

Broj: 01-45-1 - 10/
Dana: 19. 04. 2024. godine

BOSNA I HERCEGOVINA
FEDERACIJA BOSNE I HERCEGOVINE
VLADA
n/r gđa. Edita Kalajdžić, sekretar Vlade

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
n/r gđa. Sandra Imširović, delegatkinja Doma naroda
n/r gosp. Izmir Hadžić, sekretar Doma naroda ✓

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 22-04-2024			
Org. jed.	Broj	Priloga	Vrijednost
05/2	- 02 -	123	24
		156	24

PREDMET: Delegatska inicijativa gđe. Sandre Imširović, delegatkinje Doma naroda Parlamenta Federacije, odgovor, dostavlja se;-

V E Z A: Akt Parlamenta Federacije Bosne i Hercegovine, broj: 05/2-02-123;156/24 od 28. 03. 2024. godine.

Poštovani,

Vašim aktom veze dostavljena je ovom Ministarstvu delegatska inicijativa koju je uputila gđa. Sandra Imširović, delegatkinja Doma naroda Parlamenta Federacije Bosne i Hercegovine.

Shodno navedenom, u prilogu Vam dostavljamo odgovor Ministarstva unutrašnjih poslova Tuzlanskog kantona, na upućenu delegatsku inicijativu.


S poštovanjem,



MINISTAR

dr. sc. Ramo Isak

Prilog: Kao u tekstu



9/2/24

Bosnia and Herzegovina
Federation of Bosnia and Herzegovina
TUZLA CANTON
Ministry of Internal Affairs

www.mupk.ba

kontakt@mupk.ba

Tel: +387 (0)35 250-011, 275-601

Fax: +387 (0)35 255-538

Tuzla, Turatlibegova b.b.

Broj: 08-01-03.9-3-1790/24

Dana: 15.04.2024.godine

**FEDERALNO MINISTARSTVO
UNUTRAŠNJIH POSLOVA
SARAJEVO**

Prinijeto: 18.4.2024
Org. broj: 01 694

PREDMET: Odgovor na delegatsku inicijativu, dostavlja se,
VEZA: Vaš akt, broj: 01-005 od 03.04.2024.godine

Shodno vašem aktu, broj i datum veze, a koji se odnosi na delegatsku inicijativu delegatkinje u Domu naroda Parlamenta Federacije Bosne i Hercegovine, Imširović Sandre, za postavljanje jednog stacioniranog radara na magistralnom putu Kalesija-Živinice, pokrenutoj na 7. Sjednici Doma naroda Parlamenta F BiH, i to:

„U posljednje vrijeme svjedoci smo stalnih i učestalih saobraćajnih nesreća na putu Živinice – Kalesija, tačnije na dionici puta Sprečki pravac, na tom dijelu puta imali smo i smrtni ishod gdje je udaren i pješak koji je od dobivenih povreda i podlegao samim tim direktno je narušena sigurnost mještana, pješaka, ali i drugih učesnika saobraćaju”,

obavještavamo Vas o slijedećem:

Planom i programom materijalno-tehničke opremljenosti i raspoloživim finansijskim sredstvima Uprave policije ovog Ministarstava, za 2024. godinu nije predviđena nabavka **stacioniranih radarskih sistema**, obzirom na visinu novčanih sredstava potrebnih za realizaciju predmetne nabavke. Analizom stanja, na tržištu za nabavku, montažu i puštanje u rad jednog stacioniranog radarskog sistema, cijena se kreće cca 160.000,00 KM (stotinišezdesethiljada), bez PDV-a.

Uprava policije Ministarstva unutrašnjih poslova TK-a je u toku 2023. godine uspješno realizovala javnu nabavku od ukupno 9 mobilnih radarskih uređaja marke „Trucam 11“, sa foto i videozapisom, koji su podijeljeni organizacionim jedinicama Uprave policije.

Pored već postojećeg radarskog uređaja marke „Trucam 11“, sa foto i videozapisom, iz ranije nabavke, predmetni radarski uređaj nabavljen 2023.godine, shodno ukazanoj potrebi i procjeni stanja bezbijednosti saobraćaja, dodijeljen je Policijskoj stanici Živinice, koji se planskim aktivnostima od strane PS Živinice koristi na kontroli brzine kretanja vozila na rizičnim dionicama saobraćajnica, na području grada Živinice.

Shodno navedenom, mjesno nadležnoj Policijskoj upravi Živinice naloženo je preduzimanje planskih mjera i radnji, koje se između ostalog odnose na pojačane preventivne i represivne aktivnosti, s ciljem smanjenja broja i posljedica saobraćajnih nezgoda i zaštite svih učesnika u saobraćaju, sa akcentom na kontrolu brzine kretanja vozila, kako na području Grada Živinica, tako i sa posebnom naznakom dijela puta tzv.“Sprečkom pravcu“, kao i

evidentiranje svih nedostataka putne infrastrukture, pravovremeno dostavljanje informacija nadležnim institucijama, preduzimanje aktivnosti u saradnji sa drugim institucijama koje će imati za cilj uticanje na svijest svih učesnika u saobraćaju o važnosti poštivanja saobraćajnih pravila i propisa, te preduzimanje drugih aktivnosti u okviru saobraćajne problematike.

Osim navedenog, Uprava policije MUP-a TK je u toku 2022.godine izvršila nabavku dva specijalna vozila sa mjernim uređajima za nadzor i kontrolu vozila u saobraćaju „Ekin Patrol G2“, tzv. „presretači“, koji se između ostalog koriste i za kontrolu brzine kretanja vozila na području cijelog Tuzlanskog kantona.

Obzirom da je od strane Ministarstva unutrašnjih poslova Tuzlanskog kantona donesen Pravilnik o izmjenama i dopunama Pravilnika o unutrašnjoj organizaciji, kojim je osnovana Jedinica za saobraćaj, a čija je nadležnost regulisanje, kontrola saobraćaja i obezbjeđenje sigurnosti saobraćaja na području Tuzlanskog kantona, navedena specijalna vozila Jedinica za saobraćaj, kroz svoje planske aktivnosti, već koristi i na području Grada Živinice, što će činiti i u narednom periodu, sa posebnim akcentom na ukazanu problematiku na lokaciji dionice puta Sprečki ili Dubravski pravac.

Uvažavajući inicijativu delegatkinje Imširović Sandre, postavljenu na 7.sjednici Doma naroda Parlamenta Federacije Bosne i Hercegovine, a uzimajući u obzir da je navedena inicijativa podnesena Federalnom ministarstvu unutrašnjih poslova, te Cestama Federacije BiH, ukoliko u sklopu svojih finansijskih mogućnosti FUP ili direkcija Cesta Federacije BiH izvrše nabavku jednog stacioniranog radara isti će se postaviti na dijelu magistralnog puta Živinice – Kalesija, tačnije na dionici puta Sprečki ili Dubravski pravac.

Takođe Vas obavještavamo, da će Uprava policije MUP-a TK-a i u narednom periodu nastaviti sa preduzimanjem pojačnih aktivnosti, kako bi se održalo povoljno stanje u saobraćaju, što uključuje i magistralni put Živinice-Kalesija na dionici puta Sprečki ili Dubravski pravac, kao i cijelog Tuzlanskog kantona.

S poštovanjem,



MINISTAR

Hajrudin Mehanović